



1913-yil aprel oyidan chiqib boshlagan

Fidoyilik —  
Vatanga xizmat demak!

2024-yil 16-may, payshanba,  
58 (23.935)-son

**KUN  
HIKMATI**

Soʻz  
aytmoq -  
mahorat,  
eshitmoq -  
farsosat

# Zarafshon



[www.zarnews.uz](http://www.zarnews.uz) <https://www.facebook.com/zarnews.uz> [@zarnews\\_uz](https://twitter.com/zarnews_uz) [https://twitter.com/zarnews\\_uz](https://twitter.com/zarnews_uz)

## Tomorqachilik bo'yicha Xitoy tajribasi qo'llaniladi

**Yurtimizda mehmon bo'lib turgan Xitoy Xalq Respublikasi Markaziy qo'mitasi siyosiy byurosi doimiy qo'mitasi a'zosi, Davlat kengashi Bosh vazirining o'rinbosari Lyu Gochjun boshchiligidagi delegatsiya O'zbekiston Respublikasi Bosh vaziri o'rinbosari Jamshid Xo'jayev hamrohligida 14-may kuni Samarqandga tashrif buyurdi.**



Mehmonlarni Samarqand temiryo'l vokzalida viloyat hokimi Erkinjon Turdimov kutib oldi.

O'zaro hamkorlik aloqalarini rivojlantirishga bag'ishlangan uchrashuvda tomonlar o'zlarini qiziqtirayotgan yo'nalishlar bo'yicha fikr almashdilar.

Viloyat hokimi O'zbekiston - Xitoy aloqalariga qadimda ajdodlarimiz tomonidan asos solinganligini ta'kidlab, uni yanada rivojlantirish har ikkala tomon uchun birdek manfaatli ekanligini alohida qayd etdi. Shuningdek, ayni paytda Samarqand va Xitoy aloqalarini yanada bosqichga ko'tarilganiga e'tibor qaratib, hamkorlikning istiqbollari belgilovchi o'nta yo'nalishga to'xtaldi.

Jumladan, suv resurslaridan samarali foydalanish borasida Xitoy tajribasi mamlakatimiz, xususan, Samarqand uchun bugun juda muhimligi ta'kidlandi. Bu borada Shensi provinsiyasida amalga oshirilgan va keyinchalik butun Xitoyga tatbiq etilgan suvni tejash bo'yicha tajribani Samarqandda amaliyotga tatbiq etish bo'yicha mutaxassislar hamda texnologiyalarni jalb qilish taklif etildi. Bu tajriba Payariq tumani misolida amalga oshirilib, keyinchalik butun viloyatda joriy etilishi ko'zda tutilgan.

Uchrashuvda Xitoy qishloq xo'jaligida erishilgan natijalardan kelib chiqib, g'alla va paxtachilik, sabzavot mahsulotlari yetishtirish, pillachilik va chirm-poyabzal sanoati, tomorqa xo'jaliklari bo'yicha ular tajribasini o'rganish va viloyat tumanlarida yo'lga qo'yish taklif etildi. Bunda urug'chilikdan boshlab serhosil, kam suv talab qiladigan navlarni ekish, eksport bo'lmagan mahsulotlarni yetishtirish, ularni saqlash va qayta ishlashgacha bo'lgan jarayonlarda zamonaviy texnologiyalardan foydalanish zarurligi qayd etildi.

Tomorqachilik borasida Xitoy tajribasi alohida ahamiyatga ega, - dedi E.Turdimov. - Chunki jamiyatda kambag'allikni bartaraf etishda ushbu yo'nalish juda muhim. Buni Xitoy tajribasi ko'rsatmoqda. Xitoy yetakchisi Si Szinpin janoblarining tomorqachilik bo'yicha kitobida bu borada juda muhim ma'lumotlar qayd etilgan. Viloyatimiz delegatsiyasi Xitoyga safari davomida Qashqar tajribasini o'rganib keldi. Issiqlik talab etilmaydigan is-siqxonalarda millionlab dollar daromad qilinayotganligi bizni hayratlantirdi. Shu bois Xitoydan viloyatimizning 11

tumaniga o'n nafardan, jami 110 nafar tajribali tomorqachilarni hamda ularga rahbarlik qiladigan 3 nafar tajribali mutaxassisni jalb qilish orqali tomorqachilikni rivojlantirish bo'yicha hamkorlikni amalga oshirish loyihasini amalga oshirish maqsadimiz bor. Ipakchilikda Xitoyda yiliga sakkiz martalab hosil olinishi haqida eshityapmiz. Shuningdek, kanakunjutdan pilla yetishtirish yo'lga qo'yilgan. Bu ham biz uchun yangilik va uni joriy etishdan manfaatdormiz.

Uchrashuvda Samarqandda teri yetishtirish borasida ulkan salohiyat mavjudligi bois xitoylik tadbirkorlar bilan hamkorlikda xomashyoni qayta ishlash va ishlab chiqarish klasterini tashkil qilish loyihasini amalga oshirish taklifi ilgari surildi. Nurobod tumanida ushbu yo'nalish uchun ulkan imkoniyat borligi qayd etildi.

Samarqand viloyatida 260 ming gektar maydondan qishloq xo'jaligida foydalaniladi. Qishloq xo'jalik texnikalariga talab katta. Bugungi kunda foydalanilayotgan texnikalar Belarus, Rossiya, Turkiya, Germaniya davlatlaridan keltirilgan. Ammo bu texnikalarning narxi balandligi soha vakillarini qiynayotgan masalalardan biridir. Shu bois Narpay tumanida qishloq xo'jaligi texnikalarini ishlab chiqarish markazini tashkil etish loyihasini amalga oshirishga Xitoyning ilg'or kompaniyalari taklif etildi.

Davlatimiz rahbari Xitoyga tashrifi davomida xitoylik ishbiarmonlar bilan hamkorlikda yuqori texnologik sanoat mahsulotlarini ishlab chiqarish borasida sanoat parkini tashkil etish taklifini bildirgan edi. Shu asosda Samarqand va Kattaqo'rg'on tumanlarida infratuzilma borasida qulay bo'lgan 320 gektar yer maydoni ajratilgan. Ushbu loyihalarni amalga oshirishga ham ilg'or soha vakillari jalb qilinishi ta'kidlandi.

Janob Lyu Gochjun o'zaro hamkorlik aloqalarini mustahkamlash borasidagi takliflarni qo'llab-quvvatlashini ma'lum qildi. Jumladan, delegatsiya tarkibida qishloq xo'jaligi sohasi bo'yicha mas'ullar borligini bildirib, ular har bir yo'nalish bo'yicha aniq takliflarni o'rganib chiqishi va kelgusida amaliy jarayonlarda bevosita qatnashishini qayd etdi.

Tashrif davomida mehmonlar viloyatdagi bir qator korxonalar faoliyati bilan tanishdi hamda Samarqanddagi diqqatga sazovor joylarni tomosha qildi.

**Viloyatimizdagi ishlab chiqarish korxonalari yana bittaga ko'paydi. "Urgut" erkin iqtisodiy zonasi uchun Jomboy tumanida ajratilgan hududda "Coca-Cola" ichimligi ishlab chiqaruvchi CCI zavodi bunyod etildi.**

Korxonaning ochilish marosimida viloyat hokimi E.Turdimov, Investitsiyalar, sanoat va savdo vaziri L.Qudratov, "Coca-Cola" kompaniyasi boshqaruvi raisi, bosh ijrochi direktori Jeyms Kuinsi, Turkiyaning "Anadolu Group" kompaniyasi boshqaruvi raisi Tunjay Ozilxon va boshqalar so'zga chiqib, "Coca-Cola" kompaniyasi 1994-yildan buyon O'zbekistonda muvaffaqiyatli faoliyat olib borayotganini ta'kidladi.

- Biz dastlab Toshkentda, so'ngra Urganch va Namanganda ishlab chiqarish korxonalarimizni ochish uchun O'zbekistonga sarmoya kiritgandik, - dedi "Coca-Cola" kompaniyasi boshqaruvi raisi, bosh ijrochi direktori Jeyms Kuinsi. - Bu orqali mamlakat iqtisodiyoti rivojiga va mamlakatda yangi ish o'rinlari yaratishga hissa qo'shдик, deb o'ylayman. 30 yillik hamkorligimiz bugun barqaror rivojlanmoqda va biz bundan xursandmiz. Dunyoga mashhur Samarqandda yana bir korxonamizni tashkil etishimiz O'zbekiston bilan hamkorligimiz samarali davom etayotgani va mamlakat iqtisodiyoti rivojiga ishonchimimiz natijasidir.

Qisqa vaqt - o'n oyda 18,5 gektar maydonda qurilgan zavodning umumiy loyiha qiymati 112 million AQSh dollari tashkil etadi. Ushbu mablag'ning 100 million dollari xorijiy investitsiya hisoblanadi. Yiliga 280 million litr ichimlik ishlab chiqarish quvvatiga ega korxonada 200 ta ish o'rnini yaratildi. Mahsulot ichki bozorga chiqarilishi hamda MDH mamlakatlariغا eksport qilinishi ko'zda tutilgan. Nufuzli mehmonlar ramziy tugmani bosib, korxonada ishlab chiqarish jarayonlariga start berdilar.



## Mashhur brend ichimliklari Jomboyda ishlab chiqariladi

yonlariga start berdilar.

Bugungi kunda dunyoning 20 davlatida kompaniyamiz sarmoyasi asosida tashkil etilgan korxonalar faoliyat yuritmoqda va ularda 100 ming nafar ishchi mehnat qiladi, - deydi "Anadolu Group" kompaniyasi bosh direktori Burak Basharir. - Jumladan, O'zbekistonda 2018-yildan buyon ish olib boryapmiz va shu vaqtgacha mamlakat iqtisodiyotiga 500 million AQSh dollaridan ortiq investitsiya kiritishga erishdik. Bu bizning O'zbekiston hukumati va biznes muhitiga bo'lgan ishonchimimiz ifodasidir. Kelgusida ham investitsiyaviy hamkorligimiz rivojlanib borishiga ishonamiz va bu borada

bir qator loyihalar ko'zda tutilgan. Xususan, Namangandagi mavjud zavod o'rnida yangi, zamonaviy infratuzilmaga ega bo'lgan korxonaga yartish rejalashtirilgan. Shuningdek, O'zbekistondagi savdo shoxobchalarida xizmat ko'rsatish sifatini oshirish, yo'l xarajatlarini kamaytirish va optimallashtirish maqsadida yangi texnologiyalar joriy etish, iqtidorli xodimlarni tarbiyalashga yo'naltirilgan sarmoyalar kiritishda davom etamiz.

Tadbir qatnashchilari yangi korxonadagi ishlab chiqarish jarayonlari bilan yaqindan tanishdi.

**G'.HASANOV,  
A.ISROILOV (surat)**

## TAYINLOV



**Boboyev Sarvar Boltayevich - Samarqand viloyati yoshlar ishlari boshqarmasi boshlig'i** lavozimiga tayinlandi. Tayinlovga qadar S.Boboyev viloyat yoshlar ishlari boshqarmasi boshlig'i o'rinbosari vazifasida faoliyat yuritgan.

## MUKOFOT MUBORAK!

Toshkentda "Oltin qalam" XVIII Milliy mukofoti uchun xalqaro tanlovning g'olib va sovrindorlarini taqdirlash marosimi bo'lib o'tdi.

Tanlovning internet nashrlari yo'nalishi bo'yicha g'oliblarida Samarqandda ijod qilayotgan "Kun.uz" veb-sayti muharriri va maxsus muxbiri

**Shuhrat Shokirjonov** (2-o'rin) ham bor. Hamkasbimizni ushbu nufuzli mukofot bilan tabriklaymiz.

## Samarqand deklaratsiyasi

Osiyo xotin-qizlar forumining yakuniy yechimi bo'ldi

**Xabar berganimizdek, Samarqand shahrida "Xotin-qizlarning iqtisodiy, ijtimoiy va siyosiy huquq hamda imkoniyatlarini kengaytirish masalalariga mintaqaviy yondashuv" mavzusida Osiyo xotin-qizlari forumi bo'lib o'tdi. Forumning ikkinchi kuni ham samarali muloqotlar, bahs-munozaralarga boy bo'ldi.**

Bugungi kunda Osiyo qit'asida 4,82 milliard aholi yashaydi va dunyo aholisining 60,6 foizini tashkil qiladi. Qit'a umumiy aholisining 2,3 milliard yoki 48,8 foizi ayollardir. Shu ma'noda, ushbu forumdagi muloqot mintaqada xotin-qizlarning imkoniyat va salohiyatini ro'yobga chiqarish masalalarini muhokama qilish, ularning iqtisodiyotdagi ishtirokini yanada kengaytirish, davlat va jamiyat boshqaruvida xotin-qizlarning rolini mustahkamlash masalalarida tajriba almashish uchun o'ziga xos muloqot maydonini yaratdi.



mehnat uchun erkaklar bir dollar olayotgan paytda ayollarning bu mehnat uchun daromadi 51 sentni tashkil etmoqda.

2022-yilda dunyodagi mojarolardan aziyat chekayotgan ayollar soni 614 million kishiga yetdi. Bu 2017-yilga nisbatan 50 foizga



Birlashgan millatlar tashkilotining "Gender Snapshot - 2023" hisobotida aytilishicha, butun dunyo miqosida gender tengligiga erishishda qator sustkashliklarga yo'l qo'yilmoqda, - dedi o'z nutqida BMTning Jenevadagi bo'limi bosh direktori Tatyana Valovaya. - Ushbu hisobotda qator tashvishli raqamlar mavjud. Xususan, hech bir davlat oildagi zo'ravonlikni yo'q qilishga erisholmayapti. Mehnat va daromadlar orasidagi tafovut doimiy ravishda yuqoriligicha qolmoqda. Dunyo bo'ylab qariyb bir turdagi

ko'pdir. Keksa ayollar bo'yicha ma'lumot yuritadigan 116 mamlakatning atigi 56 foizida ayollar pensiya olish imkoniga ega. Bu tendentsiyani o'zgartirish, dasturlar ishlatishini yo'lga qo'yishimiz kerak.

Forum davomida oila va xotin-qizlarni qo'llab-quvvatlash yuzasidan Malayziya, Filippin, Hindiston, Pokiston, Quvayt hamda Turkiya Respublikalari bilan anglashuv memorandumlari imzolandi. Shuningdek, xalqaro anjuman yakunlari bo'yicha Samarqand deklaratsiyasi qabul qilindi.





